

Consello Escolar de Galicia, os consellos escolares territoriais e municipais, en desenvolvemento da referida lei e no artigo 14º do Decreto 87/1992, do 26 de marzo, polo que se aproba o Regulamento de réxime interno do Consello Escolar de Galicia.

Atendendo á designación efectuada polo Seminario de Estudos Galegos na que propón a renovación do seu representante no Consello Escolar de Galicia, por proposta do conselleiro de Educación e Ordenación Universitaria, e logo da deliberación do Consello da Xunta de Galicia, na súa reunión do dez de marzo de dous mil once,

DISPOÑO:

Artigo único.-Noméase membro do Consello Escolar de Galicia, nas condicións determinadas na Lei 3/1986, do 18 de decembro, de consellos escolares de Galicia, en representación do Seminario de Estudos Galegos, a Antón Costa Rico.

Disposición derradeira

Este decreto entrará en vigor ao día seguinte ao da súa publicación no *Diario Oficial de Galicia*.

Santiago de Compostela, dez de marzo de dous mil once.

Alberto Núñez Feijóo
Presidente

Jesús Vázquez Abad
Conselleiro de Educación e Ordenación
Universitaria

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 15 de marzo de 2011, da Secretaría Xeral para o Deporte, pola que se procede ao recoñecemento da modalidade deportiva de Baile deportivo e de competición no ámbito da Comunidade Autónoma de Galicia.

Vista a proposición non de lei aprobada pola Comisión 1ª, Institucional, de Administración Xeral, Xustiza e Interior, na súa sesión do 2 de xuño de 2010, pola que: «O Parlamento de Galicia insta a Xunta de Galicia a promover o baile deportivo na nosa comunidade, e insta o seu recoñecemento como modalidade deportiva, así como a creación dunha federación deportiva galega de baile deportivo».

Vista a existencia da correspondente Federación Internacional de Baile Deportivo recoñecida polo COI no ano 2007.

Visto o recoñecemento como modalidade deportiva do Baile deportivo e de competición por parte do Consello Superior de Deportes en maio de 2006, recoñecemento que xa supuxo o exame das condicións, criterios e parámetros técnico deportivos necesarios para que a citada actividade poida obter o status de modalidade deportiva.

Visto que o baile deportivo non aparece incardinado como especialidade en ningunha federación deportiva galega.

Vista a implantación real da modalidade deportiva en Galicia, cun elevado número de practicantes na nosa comunidade.

Visto o artigo 10º da Lei 11/1997, xeral do deporte de Galicia, que establece «Será tamén competencia exclusiva da Administración autonómica o recoñecemento de modalidades deportivas»

RESOLVO:

Primeiro.-Recoñecer como modalidade deportiva en Galicia o Baile deportivo e de competición e autorizar a inscrición da citada modalidade no Rexistro de Asociacións Deportivas e Deportistas de Galicia da Xunta de Galicia.

Segundo.-Ordenar a publicación desta resolución no *Diario Oficial de Galicia* para xeral coñecemento de todos os interesados.

Esta resolución esgota a vía administrativa e contra ela poderase interpoñer recurso potestativo de reposición ante o mesmo órgano que a ditou no prazo dun mes ou interpoñer directamente recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses contados a partir do día seguinte ao da publicación desta no *Diario Oficial de Galicia* (artigos 116º e 117º da Lei 4/1999, do 6 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común).

Santiago de Compostela, 15 de marzo de 2011.

José Ramón Lete Lasa
Secretario xeral para o Deporte

CONSELLERÍA DE FACENDA

Orde do 23 de febreiro de 2011 pola que se declara a alleabilidade dos inmobles procedentes da antiga Cámara Agraria Local e Provincial de Lugo.

A Comunidade Autónoma de Galicia é titular dos inmobles das antigas cámaras agrarias provinciais e locais, en virtude da Lei 1/2006, do 5 de xuño, do